

汀州府志卷之三十一

方外

雞園鹿苑紫府清都中國無其地釋迦生於右
脇老聃生於左腋天下無其事胸結卍字頂有
日光今日無其人二諦四禪三華九轉六經無
其語以地則遼絕以事則怪誕以人以語則駭
異而荒唐世有出而闢之者聖賢之徒也然則
曷為志之夫天地之大何所不有疑其所信而
不信其所疑是在識者莊周云六合之外聖人
存而不論是編也亦姑存之云爾志方外

汀州府志

卷之三十一 方外

晉

葛僊公

字孝先丹陽人修煉於武平靈洞山之天竺院吳赤烏甲子歲八月望日飛昇後往來駐寓此山宋徽宗封為冲應真人理宗加封冲應孚祐真君

隋

劉熊二道士

寧化人修煉於石壁之香爐峯隋義寧間白日飛舉鄉人為刻二像於石壁創臺於爐峯頂祝之曰昇仙臺今臺址猶存

唐

杜陳二真人

貞元時寓連城林坊村西山絕頂不火食五十四年一日遇東華君飄然

羽化宋初為祀廣福堂有禱輒應

羅僊公

太和間生於連城寓惠濟橋之廣福堂年六十二往清流盈山菴修煉數載得道羽

化里人以其身塑而祀之表曰真僊凡遇旱疫禱之無不應者

了拳

永定人初生左手拳曲有僧撫之書了字於掌中

如老僧以杖畫地牛不逸去年十二往廣東陰哪坑乘石渡河開蓮花隨往陰哪山稱為慚愧

師祖

惠寬大師

姓葉寧化人入郡開元寺出家虎為害師馴服之眾號伏虎禪師南唐保泰三

年因平原山龜峯獅石之勝創庵名曰普護庵側軍嶺高峻無水師於磐石上頓錫出泉至今不竭建隆三年九月十三日示滅以收旱功累封威濟靈應普惠禪師

汀州府志

卷之三十一

方外

二

宋

定光大師

姓鄭名自嚴泉州同安人年十一出家十七遊豫章除蛟患乾德二年來汀之

武平南巖郡城南潭有龍為民害師投偈沙湧成洲郡守趙良以聞賜南安均慶院額真宗朝

因御齋赴謁上問何來答曰今蚤自汀州來問守為誰曰屯田胡咸秩齋罷上命持饌食往賜

至郡尚溫咸秩驚表謝淳化八年坐化邑人塑其肉身以祀紹定庚寅磔寇起圍州城師靈顯

助國賊眾奔潰州人列狀奏請賜額曰定光院

國朝

順治三年大圖章京率大兵至百步舖見二僧

云城即開幸勿傷民言訖不見明日復見二僧從臥龍嶺灑水章京召郡民詢之且述二僧形

狀民曰郡有定光伏虎二古佛者近是章京乃詣寺揭帳視之即前二僧也命閣郡鼎新其宇

王中正

長汀人咸平中遇羽士授以鉛汞術戒曰非遇萬乘勿輕出後坐事流嶺南至京師

為有司所捕以聞帝命皇城司劉承珪問狀
陳靈異獻所為白金前後累鉅萬詔書褒諭後
卒於京命塑
像景靈宮

陳嘛哩 長汀人學道廬山能以符呼役鬼神嘗馳
祠中泥馬出入鄉人異之塑像石王廟墓

寅湖雖春漲水溢不
能及墓亦仙跡也

黃升 長汀人幼得道法錢沉水中者呼之即出
父能納黍口中運氣鍊之即成白金有蔡

道人死升為棺殯得其書於墻隙間
遂能召役鬼神前知禍福後尸解

梁野 又名戴長汀人兵部郎中顧之弟遇神人
授致錢術嘗兩彌旬薪米盡母責之戴引

薪米十擔從外來振袖償直天聖初兄顧守廬
州戴敝衣往省兄命更衣忽不見急遣官吏跡

之見旅室中有錢半塚上有書云弟野人以烟
蘿侶久俟不果辭惟冀珍重有少錢煩周貧乏

汀州府志 卷之三十六 方外 三

仍遺所服敝衣異香
襲人自是知所在

晏北海 歸化人元祐時牧牛旗面山遇二
仙奕石上授桃與食遂羽化去

曹道翁 不知何許人宣和間至汀州狀甚野對人
兀坐不談居數年稍合藥濟人輒愈入市

必大醉歸不則經旬不變一日戒其徒曰吾將
適矣墓我庵後後數日庵鄰見翁幅巾肩傘過

濟川橋啟棺無一
物乃悟其尸解

智孜禪師 長汀蕭氏子其四皓吟曰忠義合時難
雲林共掩關因秦生白髮為漢出青山

不顧金章貴常披鶴氅還如今明聖
代高躅更難攀洪駒父擊節賞之

饒公 歸化人牧羊至瑤社嶺遇仙人奕棋授以
桃自是得道在均山坐化後人祀之禱無

不應

何儒姑

父大郎世居武平南巖生有道氣呂純陽贈以一桃云食盡則僊僊姑遂辟穀南巖

乾德二年定光佛抵巖僊姑語大郎捨宅與巖為佛道場鄉人爭構庵以祀佛並構樓以祀僊姑按閩書載僊姑為廣州增城人唐武后時住雲母溪辟穀語言異常景龍中白日昇天再按事文類聚宋祥符間岳州玉真觀災惟留一柱有側書謝仙火三字有以問何僊姑者何曰謝僊如雷部中鬼主行火聞者果於道藏中驗之二說不同姑仍舊志

系南禪師

汀州張氏子臨寂陞座告衆曰羅漢今朕跡乃跡

跌而逝

賴慧僧

歸化賴家山人少投羅漢寺師古空為僧誦大乘金剛檀經有悟因出遊方外二十餘年開寶間結庵滴水巖言人休咎輒驗年九十三卒旬餘未痊鄉人見其顏色如生破襖上

汀州府志

卷之三十六

方外

四

有香氣乃羣泥軀祀之

黃倖三僊師

上杭人鍾寮場未立縣前有妖怪虎狼為害黃七翁與其子及塔倖姓者

三人有異術治之羣妖遂息因隱身入石

劉氏女

寧化人生不如葦喜文墨九齡與人談道若夙解自誓不嫁及笄父母許嫁石城何氏子行甫越境忽有白鵝從天而下乘之飛去邑人建祠於上昇之地郡以狀聞賜額蓬萊觀郡守陳軒題詩云白鵝乘去人何在青鳥飛來信已遙若使何郎有仙骨也須同引鳳凰簫

元

月光禪師

寧化人生於元初家貧事寡母以孝聞飼鴨田間亡其一慮失母歡取泥搏一雛補之母遂莫辨嘗言欲歸人問何歸曰欲西歸爾後一日坐化田間久不還母趨視之異

遼襲母撫之曰汝真西歸耶點頭者再鄉人異之以金漆聖其身祀焉時大德四年也

明

王破頭

不知何許人頭破一罅因以自名嘉靖中由武平來上杭假寓縣北有童子鬻茄破

頭戲取茄置頭罅中頃刻盡童子泣破頭笑曰勿憂茄還爾家矣歸視果然嘗取楊枯稍花和藥鍊之立成白金人叩其術秘不傳元夕讌坐談蘇杭燈花之盛破頭語眾暫瞑目隨我往眾因遍覽其勝少頃還居一歲辭去眾約同時分餞以試之破頭同時各赴宴若分身者然比曉遂不見

滿和尚

寧化人俗姓王法名性滿弘治十年住持沿口禪關修參有悟坐化一室中三年面

色如生里人賴志亮以金漆膠土固之至今猶存

汀州府志

卷之三十六 方外

五

無空上人

汀州人與逸士謝韶李植友韶病無空往視誠韶子曰有二耗鬼索饌與之即

愈後三年復至韶家曰可備喪具韶果無病而逝

大智

河南人雲遊至永定兀坐屠傍四十九日或與之金不受屠子曰僧不受金豈受吾刀乎

乃懷刀而去屠子感悟披剃為僧時募銅鑄觀音像躍冶不成師曰午當成像日午果有陳商携金二錠投之像成見金錠於衣札間屆期示寂

僧了證

姓鍾武平人出家雲遊後歸靈洞結草以居謂侍者曰吾緣盡矣當拏草鞋為別

乃草大字云來時本無去亦非有珍重諸人月明清晝擲筆跌坐而逝有舍利塔在靈洞院

國朝

至道禪師

名性戒本吳中人明崇禎間至上杭結茅庵於小吳地之馬頭山順治三年

寂遺命僧衆六年後依教焚化至期啟視肉石
不壞骨節珊然里人驚異卽遺蛻漆之以金

汀州府志

卷之三十六 方外

六

